

春秋左氏傳地名補注

春秋左氏傳地名補注卷第一

吳 沈欽韓 文起

隱公

元經盟于蔑 一統志姑蔑故城在兗州府泗水縣東括

地志縣東四十五里

克段于鄆 方輿紀要鄆陵城在開封府鄆陵縣西南四

十里杜注鄭在滎陽宛陵縣宛乃苑之省文苑陵城在開

封府新鄭縣東北三十八里鄭國都在縣西北寰宇記鄆

城在宋州柘城縣北二十九里鄭克段之地疑遠

盟于宿 一統志無鹽故城在東平州東二十里春秋宿

國

傳城郎 一統志郎城在兗州府魚臺縣東北八十里

娶于申 方輿紀要申城在南陽府北二十里括地志南

陽縣北二十里

制巖邑也 水經注成皋縣之故城在伍上縈帶伍阜絕

岸峻周高四十許丈城張翕嶮崎而不平即東魏也一統

志在開封府汜水縣西北元和志汜水縣古東虢國

請京 方輿紀要京城在鄭州滎陽縣東南二十里

至于廩延一統志酸棗故城在衛輝府延津縣北十五里按水經注河水又東逕滑臺城北城卽故鄭廩延也據文廩延卽今滑縣唐之滑州漢晉爲白馬縣杜預謂酸棗縣之延津非也元和志滑州西南至鄭州三百里太叔段所侵之界如此

城潁水經注洧水南有鄭莊公望母臺史記正義疑許州臨潁縣是也

潁谷封人水經注潁水所出一統志潁谷在河南府登封縣西南

紀人伐夷 山東通志紀本在東漢贛榆後遷劇亦稱紀

城有臺高九尺俗曰紀臺城旁有劇南城青州府志紀臺

城在壽光縣東南三十里一統志北武城在萊州府即墨

縣西六十里古夷國注在城陽莊武縣莊當作壯

敗宋師于黃 漢志山陽郡有黃縣王應麟地理通釋春

申君傳正義故黃城在曹州考城縣東二十四里此河南

之黃城也按此即山陽之黃惠公敗宋師宜在此不當遠

在陳留之外黃開封府杞縣考城今屬歸德府

盟于翼 彙纂云翼在今山東兗州府費縣西南費縣今

屬沂州府

二經公會戎于潛 一統志戎城在曹州府荷澤縣西南  
紀年厲王十一年西戎入于犬丘漢為太丘在歸德  
府永城縣西北三十里

莒人入向 于欽齊乘今沂州西南一百里有向城鎮方

輿紀要春秋向之名四見杜預解為二地承縣在今嶧縣

境內龍亢今鳳陽府懷遠縣寰宇記在莒州南按樂史時未有莒州

說皆未核惟沂州之向城為近之蓋向先為國後并于莒

而或屬莒或屬魯以攝乎大國間也按莒亦小去沂州尚

遠南至沂州二百里二十里知向國非沂州之向城鎮也寰宇記向城

在密州莒縣南七十五里當從之

入極 賈逵云極戎邑也晉書地道志高平湖陸縣西有

極亭紀要在兗州府魚臺縣西

盟于唐 紀要武唐亭在魚臺縣東北二十里

盟于密 一統志密鄉故城在萊州府昌邑縣東南十五

里即此密

傳費庠父 方輿紀要費亭在魚臺縣西南

年三經盟于石門 一統志石門在濟南府長清縣西南今

圯于河又云石門在泰安府平陰縣北水經注濟北盧縣  
故城西南六十里有故石門去水三百步

傅帥師取温之麥 方輿紀要温城在懷慶府温縣西南

三十里周畿內國

尋盧之盟也 方輿紀要盧城在長清縣西南一統志二無西

十五里

饋于濟 方輿紀要大清河在長清縣西南二十里自平

陰縣流入境又東北入齊河縣界卽濟水也鄭伯之車饋

于濟蓋在縣界元和志劉公橋架濟水在鄆州盧縣東二



十七里又北去齊州長清縣十里胡渭禹貢錐指濟水自東平以下唐人謂之清河宋南渡後又有大小之分齊乘以大清河爲古濟水小清河爲劉豫所創黃子鴻以大清河卽潔其小清河所行爲濟水故道齊召南水道提綱舊濟水會汶于安民亭今東平州西南十里安山鎮卽古亭也會汶以下東北流今經東阿平陰長清齊河然後會灤水歷城以東至章丘今自歷城西南湖東平其道又爲大清河所經大清河汶水支津於東平州東六十里之戴村壩下潛出西流依故道曰沙河小清河源出章丘縣東南

分水嶺東麓北流俗曰獺河自章丘東北至樂安入海爲古濟水故道是大小清河皆古濟水故道其委輸則異接流正同黃子鴻所說非也

四年經取牟婁

一統志牟城在青州府壽光縣東北二十

里婁鄉城在諸城縣西南四十里索隱云春秋時杞已遷東國故牟婁爲杞之別邑按杜預以爲杞卽都淳于然州公之國尙未亡杞何由得都僖十四年杞爲淮夷所病乃遷緣陵則齊之東境淮夷在徐方若杞先都淳于無由爲淮夷所病蓋杞此時尙在雍丘此莒人伐杞乃紀之誤孔

疏謂淳于雍巨地別而境連此尤孟浪不知方員者矣

遇于清 水經注濟水自魚山北逕清亭東京相璠曰東

阿東北四十里有故清亭卽春秋之清也是下濟水通得  
清水之目按今在泰安府東阿縣西北

于濮 索隱賈逵云濮陳地按濮水首受河又受汴汴亦

受河東北至鉅野入濟則濮在魯衛之間賈言陳地非也

據地理志陳留封丘縣濮水受濟當言陳留水按水經注

濮水一出封丘縣者首受濟別出酸棗縣者首受河方輿

紀要濮水在大名府開州南六十里此受河之濮也又濮

渠在開封府封丘縣西南此受泝之濮也今黃河遷決濮  
水絕流賈杜言陳地水謬矣劉敞曰杜氏云未列于會故  
不稱君是篡弒之人已會諸侯則無咎矣是豈王法哉  
五經于棠 水經注濟水篇荷水又東逕武棠亭北城有  
臺高二丈許其下臨水昔魯侯觀魚于棠在方與縣故城  
北十里然彼祇就杜說唐與棠自爲二地唐亭在魯境內  
地亦非遠寰宇記棠水在宋州楚丘縣北四十五里從單  
州成武縣入界南行五里合泡溝卽此棠也

圍長葛

漢志注應劭曰長社宋之長葛也其社中樹暴

長因更名長社方輿紀要長社故城在許州長葛縣西一

里

傳邢人伐翼元和志故翼城在絳州翼城縣東南十五

里故邢國今邢州城內西南隅小城是也方輿紀要襄國

城在順德府邢臺縣城西南春秋初邢侯都于此攷翼城

在平陽府翼城縣東南

翼侯奔隨一統志隨城在汾州府介休縣東後為士會

食邑

侵衛牧續漢志衛公國有河牧城水經注浮水故濱東

逕河牧城方輿紀要在東昌府觀城縣境今屬曹州府

邾人 水經注瓠河之北有邾都城隱五年邾侵衛京村

璠曰東郡廩丘縣南三十里有邾都故城按漢志邾都作

城都不云邾國一統志成縣故城在兗州府甯陽縣北本

周時邾國然統志依仿杜氏剛父縣西南之文剛父即亢父漢屬東

平國在濟甯州在甯陽東北者乃孟氏邑非邾國統志所引成縣乃泰山郡之肥

成縣續志誤脫肥字劉昭注因而附會不知肥成云本國乃承前志應劭云肥子國之文也傳謬已久矣詳見後漢

書疏山東通志邾國城在兗州府汶上縣西北二十餘里

今名古邾集又邾都城在曹州府濮州南六十里邾伯初

封之國又子羔所宰乃孟氏成邑在甯陽東北境舊志多

誤引

六年經盟于艾 齊乘艾山在沂州西三十里寰宇記艾山

一名臨樂山在沂州新泰縣東北三十里新泰縣今屬泰安府

傳納諸鄂 一統志鄂城在吉州鄉甯縣南一里今之鄂

侯故壘

七年經滕侯卒 漢志沛郡公巨縣故滕國今兗州府滕縣

城中巨 一統志中巨城在沂州府蘭山縣東北三十一

里

凡伯 方輿紀要凡城在衛輝府輝縣西南二十里

楚巨 杜預云楚巨衛地非也此為曹楚巨水經注亦誤

以成武之楚巨為衛文公所居程公說春秋分記曰戎州

已氏邑在今拱州楚巨縣九域志楚巨屬應天府輿地廣記崇甯四年分屬拱州戎

蓋昆吾之後別在夷狄周東入于此天王使凡伯聘魯由

維九域志大中祥符五年改曲阜縣為仙源邕道楚巨至仙源逮其歸戎乃要

而伐之楚巨在河南宜為周魯往來之地以其逼近宋都

故漢晉屬梁國按漢已氏縣屬梁國後漢改屬濟陰郡晉屬濟陽郡杜預誤以此為

即僖二年衛所城之邑水經注亦以此為衛文公徙居文



公所徙在澶之南衛地在河北凡伯安有踰河北道衛而  
南使于魯耶輿地廣記今楚巨縣有景山京岡乃後人附  
會名之耳欽韓按漢志云山陽郡成武縣有楚巨亭齊桓  
公所城遷衛于此其誤實始于班氏也方輿紀要楚巨城  
在曹州曹縣東南四十里衛之楚巨在衛輝府滑縣東六  
十里

入年經遇于垂

魏世家無忌謂魏王曰文臺隳垂都焚徐

廣曰句陽有垂水經注瓠濱東逕垂亭京相璠曰句陽縣  
小成陽東五里方輿紀要句陽城在今曹州曹縣三十里

歸昉 一統志費縣故城在今沂州府費縣西北二十里

劉宋移縣理昉城即古昉邑也紀要昉城今費縣治

盟于瓦屋 彙纂云今開封府洧川縣南二十里瓦屋里

是其地按一統志瓦屋頭集在大名府清豐縣東三十五

里或謂盟于瓦屋即此名勝志瓦屋頭在開州西南紀要瓦岡在滑縣

東水經注濮渠東逕滑臺城南又東南逕瓦亭南當是此

瓦屋杜預謂周地非也

盟于浮來 齊乘浮來山在莒州西三十里明公鼐云據

水經注沂水東逕蓋縣故城南又東逕浮來之山浮來水

注之春秋公及莒人盟于浮來者也又曰大峴水東南流  
 逕邳鄉東南注于沐邳氏所紀則峴鄉為峴山水所經  
 其去峴山非遠正沂水縣西北之境況沂水下流不由莒  
 地若如齊乘言浮來在莒西三十里去沂水甚遠水經注  
 安得浮來水注沂乎後世不識浮來所在遂以莒城西山  
 當之耳

傳易許田 寔字記魯城在許州潁昌縣南四十里鄭伯

易許田即此城也

會于温盟于瓦屋

名勝志東昌府觀城縣南三十里有

瓦屋城隱八年會于瓦屋者也紀要云温在河內則瓦屋不在東郡明矣以為寰宇記之誤欽韓按寰宇記無此條蓋名勝志上文引寰宇記因誤為連文也

九年經于防 杜預云在華縣一統志華縣故城在沂州府

費縣東北六十里

十年經取郛 一統志郛城故城在曹州府城武縣東南十

八里古郛國漢屬山陽郡

取防 方輿紀要防城在兗州府金鄉縣西六十里

伐戴 水經注汲水東逕濟陽考城縣周之采邑于春秋

為戴國按考城今屬歸德乾隆四十八年移治黃河北岸

屬衛輝府戴說文作戴釋文作載即戴之誤

傳盟于鄧與桓公十年會于鄧同非魯地

于老桃續志任城國任城縣有桃聚紀要桃鄉城在濟

甯州東北六十里

十一經于時來水經注濟水又東南逕釐城東春秋公

會鄭伯于時來左傳所謂釐也京相璠曰滎陽縣東四十

里一統志在開封府滎澤縣東

傳我先封續志薛國薛縣注地道記曰夏車正奚仲所

封一統志薛縣故城在兗州府滕縣南四十四里

王取鄔劉 續志河南緱氏縣有鄔聚前志緱氏縣劉聚

周大夫劉子邑一統志鄔聚在河南府偃師縣西南劉聚

在故緱氏城南十五里三面臨澗甚險按此蓋鄭武公以

來入爲卿士食采邑于周者也詩譜岐邦周召之地爲周

公旦召公奭之采地周公封魯召公封燕元子世之其次

子亦世守采地在王官春秋時周公召公是也尙書大傳

古者諸侯始受封則有采地百里諸侯以三十里七十里

諸侯以二十里五十里諸侯以十五里其後子孫有皐黜

其采地不黜使其子孫賢者守之以祠其始受封之人

此按

諸侯有功者即詩所錫之土田附庸也經師述古各異耳詩傳諸侯入為天子卿士受

采祿王制云天子之縣內諸侯祿也鄭注選賢置之于位

如諸侯不得世疏云言諸侯祿者得采國為祿而不繼世

故下云大夫不世爵此謂畿內公卿大夫之子得食父故

之國采邑之地不得繼父為公卿大夫故經直云祿也按

文言不世爵則世祿可知白虎通諸侯入為公卿大夫得

食兩家采此通包內外諸侯皆世其采矣莊公之世亦為

卿士及身而奪之故君子譏之也

葛邗 紀要邗城在懷慶府城西北三十里集纂云葛當

在今偃師孟縣之間

溫原 緝樊陽邨 一統志溫縣故城在懷慶府溫縣西南

三十里亦曰蘇城原城在濟源縣西北紀要西北十五里今名原鄉 緝

城在河內縣西南紀要付逸城在府西南 樊城在武涉縣

西南隰城在武涉縣西南十五里紀要期城在府城西三十里故隰城也今名覆

背村

攢茅向盟州陘隕懷 一統志攢城在修武縣西北二十

里地理通釋攢茅今為大陸邨按正義引括地志有茅亭在懷州獲嘉縣東北二十里則攢茅本兩邑而杜預誤



井為向城在濟源縣南寰宇記向城在孟州河孟津在孟

縣南十八里寰宇記盟津州縣故城在河內縣東南武德

城在府東南五十里本周之州邑隕城在衛輝府獲嘉縣西北紀要隕城

西懷縣故城在武陟縣西十里按杜預缺陘地理通釋汾

陘之塞山海經有少陘之山太平御覽謂在滎陽一統志

以為此陘然去南陽之地絕遠非也寰宇記太行陘在河

內縣西北三十五里連山中斷曰陘述征記曰太行山始

于河內北至幽州有八陘第一軹關陘今在濟源縣西十

一里第二太行陘第三白陘此兩陘今在河內蓋此陘也

又陘邢聲同懷慶府志平皋城在溫縣東二十里邢城在平皋東北隅方輿紀要平皋城在府城東南七十里入溫縣界一名邢巨

息侯 一統志新息故城在光州息縣東古息國

使營菟裘 元和志菟裘故城在兗州府泗水縣北五十

里山東通志縣西十五里

狐壤 續志潁川潁陰縣有狐宗鄉潁陰故城在開封府

禹州東南四十里

桓公

元經假許田 詩傳許魯西鄙晏子雜篇景公伐魯傳許得東門無澤卽此許也

年二經會于鄧 水經注醴水東逕郟縣故城南左入汝汝水又東南流逕鄧城西桓二年會于鄧者也一統志鄧城在許州府郟城縣東南三十五里賈服並以鄧爲國言蔡鄭會于鄧之國都按傳言始懼楚鄧國在南陽逼楚境尤切故兩國至其都結謀當從賈服也許州之鄧是隱十年所盟之地

傳遷九鼎於洛邑

逸書克殷解乃命南宮百達史佚遷

九鼎三巫注云三巫地名按度邑解我南望過于三塗三巫卽三塗是武王遷鼎維也

始懼楚也 寰宇記以為楚史所言郢者卽荊州北紀南

城也盛弘之荊州記云昭王十年吳通漳水灌紀南八赤

湖進灌郢城遂破楚則是前攻紀南而後破郢也史記索

隱楚都郢今江陵北紀南城是平王更城郢今江陵東北

故郢城是

以條之役 後漢書西羌傳宣王三十八年伐條戎紀年

王師及晉穆侯伐條戎奔戎王師敗逋按條卽鳴條湯與

《左也一

左

築戰處馬端臨輿地考河中府安邑縣西有鳴條陌方輿紀要鳴條岡在解州安邑縣北三十里

千畝之戰 紀年宣王三十九年王師伐姜戎戰于千畝

王師敗逋元和志千畝原在晉州今為平陽府岳陽縣北九十

里周迴四十里按續志太原郡介休縣亦有千畝聚顧云

穆侯時晉境不得至介休

于曲沃 水經注涑水又西南逕左邑縣故城南故曲沃

也一統志左邑故城今絳州聞喜縣治按續志注曲沃在

聞喜縣東北數里

陘庭之田 元和志陘庭故城在絳州曲沃縣平陽府西

北二十里曲沃武公伐翼次于陘庭是

三經于羸 一統志羸縣故城在秦安府萊蕪縣西北四

十里

胥命于蒲 一統志故蒲城今大名府長垣縣治

于謹 說文作鄗水經注蛇水又西南逕夏暉城南公會

齊侯于下謹是也今俗謂之夏暉城 一統志下謹城在秦

安府肥城縣西南

傳汾隰 下溼曰隰晉世家作汾旁韓世家秦拔我陘城

汾旁方輿紀要汾水南逕平陽府城西及襄陵縣太平縣之東又南逕曲沃縣西境折而西逕絳州又西歷稷山縣河津縣南至榮河縣北而入于大河

芮伯 一統志芮城在同州朝邑縣南

出居于魏 方輿紀要河北城在解州芮城縣東北七里

一名魏城故魏國城也古芮城在縣西三十里商時芮伯

封此春秋芮伯萬為母所逐出居于魏謂即此城今名鄭

邨

五經城祝丘 齊乘即丘故城在沂州東南五十里一統

志卽巨故城在沂州府蘭山縣東南春秋曰祝巨

傳淳于公 方輿紀要淳于城在青州府安巨縣東北三

十里

六經公會紀侯于成 乾隆府廳州縣志成城在兗州府

甯陽縣東北九十里魯成邑按甯陽縣志舊曰故成社今

并太平爲一社曰太古社

傳侵隨 續志南陽隨縣故隨國今德安府隨州

廢二山 具敖也一統志敖山在沂州府蒙陰縣西北三

十五里具山在蒙陰縣東北十五里



七經焚咸丘 水經注黃水東逕咸亭北桓七年焚咸丘

者也一統志咸亭在曹州府鉅野縣南

穀伯綏 元和志襄州穀城縣春秋時穀國今縣北十五

里故穀城是也今屬襄陽府

輒傳沈鹿 彙纂今湖廣安陸府鍾祥縣東六十里有鹿

湖池深不可測蓋其地也

黃隨 一統志黃國故城在光州西十二里

漢淮之間 一統志楚子城在德安府隨州東紀要隨州

東南三十里桓八年伐隨因築此城以逼之

年九傳巴子 華陽國志武王既克殷以其宗姬封于巴爵

之以子古者遠國雖大爵不過子故吳楚及巴皆曰子一

統志江州故城在重慶府巴縣西本巴國

鄧人 方輿紀要鄧城在襄陽府東北十二里

梁伯荀侯賈伯 方輿紀要少梁城在同州韓城縣南二

十二里周梁國水經注汾水又西逕荀城東又西南逕長

修縣故城南在今絳州界一統志荀城在絳州西十五里

紀年芮城人乘京荀人重伯皆叛曲沃桓王十三年曲沃

滅荀以其地賜大夫原氏黯是為荀叔宋次道長安志賈

城在蒲城縣西南十八里蒲城今屬同州府

唐書世系表賈氏唐叔虞

少子公明康王封之於賈為賈伯河東臨汾有賈鄉即其地也

十經于桃巨

水經注馬頰水又逕桃城東即桃巨矣名

勝志桃巨在東阿縣安平鎮東十八里今為桃城鋪鋪旁

一巨高可數仞東阿今屬泰安府

傳出奔其池

一統志其池在解州平陸縣西四十里與

聞田相距百步

十一經于惡曹

惡曹蓋鳥巢之異文在今衛輝府延津

縣東南

于夫鍾 杜預云邲地今兗州府汶上縣界有夫鍾里

于闕 一統志闕城在兗州府汶上縣南旺湖中

傳邲人軍於蒲騷 一統志邲城在安陸府沔陽縣境按

古邲國括地志元和志並以為在安州今德安府元和志云安州春秋時邲

國水經注以安陸縣為古邲城而竟陵雲杜亦以為古邲

國諸說互異元和志故浮城縣後魏置在安州應城縣西北

三十五里即古蒲騷城應城縣今屬德安府

貳軫 文獻通考貳軫紱地闕路史國名紀貳在隨州南

軫國在楚東南彙纂云貳在隨州應山縣境軫在今應城

縣西恐涉附會也

紱州 彙纂紱在鄖陽府西北方輿紀要州陵城在荊州府縣東三十里故州國杜預以蓼爲南陽之蓼誤也昭二十九年傳作颺非此蓼也前志六安蓼故國皋陶後一統志在光州固始縣東北與潁州府霍丘縣接界古蓼國今有蓼城岡在縣東北七十里

次于郊郢 方輿紀要紀南城在荊州府北十里卽故郢城按楚世家文王熊賁立始都郢武王時猶都丹陽今荊州府枝江縣郢在其所都之郊故曰郊郢

十二經盟于曲池 續志劉昭注地道記臨淄縣西南門

曰曲池門其側有池非也 一統志嶮河在兗州府曲阜縣

東北五十里寰宇記縣北四十二里源出九龍山東南流入洙水其

谿澗險隘卽此曲池也今其水常流不絕

于穀丘 方輿紀要穀丘在歸德府商丘縣南四十里桓

十二年盟于穀丘是也寰宇記穀丘在宋州穀熟縣南二

百步

于虛 一統志衛輝府延津縣東南有故虛城按蘇代所

云決宿胥之口魏無虛頓丘者也

于武父 一統志武父城在大名府東明縣西南

傳分涉于彭 水經注沔水南逕筑陽縣東筑水注之杜

預以為彭水水出梁州新城郡魏昌縣界一統志筑水源

出鄖陽府房縣西古名彭水方輿紀要魏昌城在房縣西

南

羅人 水經注夷水歷宜城西山東南逕羅川城故羅國

也又江水篇枝江地故羅國蓋羅徙也羅故居宜城西山

楚文王又徙之于長沙今羅縣是矣方輿紀要羅縣城在

岳州府平江縣南三十里最後徙者也按此年之羅尚在

襄陽府宜城縣一統志羅川城在宜城縣西南二十里

年十三傳使賴人方輿紀要賴亭在光州商城縣南春秋

時賴國按杜預所指乃今德安府隨州北四十里之厲山

山下有厲鄉水經注瀲水篇瀲水分為二水一水西逕厲鄉

南亦云賴鄉故賴國也有神農社此與杜說合據續志汝

南郡襄信侯國有賴亭則今光州商城縣南是也

及鄢水經注夷水導源中盧縣界康狼山山與荆山相

鄰又謂之鄢水方輿紀要蠻水源出鄖陽府房縣界逕南

漳縣至宜城縣南四十里地名破河腦入于漢江本名鄢



右此一

水亦曰夷水齊召南水道提綱蠻河西北自襄陽府南漳縣合歇馬清涼二河東南流注漢水

廬戎 一統志中廬故城在襄陽府西南古廬戎也

荒谷冶父 太平御覽地理部盛弘之荊州記曰荒谷今竹林是也水經注湖水東逕荒谷東有冶父城一統志冶父

城在荊州府江陵縣東南

十四年傳取牛首 水經注沙水沙讀為蔡又東南逕牛首亭東

宋人伐鄭取牛首者也俗謂之車牛城寰宇記牛首城在

開封府陳留縣西南十一里

年十五經于艾 方輿紀要艾山在青州府蒙陰縣今屬泰安府

西北一百二十里與沂水縣接界一統志艾山在徐州府

邳州東一百里接沂州府界

牟人葛人 通典登州東牟郡春秋牟子國杜預以為秦

山之牟縣方輿紀要牟城在泰安州萊蕪縣東二十里葛

城在歸德府甯陵縣北十五里古葛伯國然疑此葛亦秦

山旁小國也

于櫟 水經注王隱云陽翟木櫟也一統志陽翟故城今

許州府禹治禹州今仍屬開封府

于表

一統志表亭在鳳陽府宿州西

年十六經城向 按此冬城向實是十月唐厯志大衍日度

議曰以歲差推之周初霜降日在心五度角亢晨見立冬

火見營室中後七日水星昏正可以興板幹故祖冲之以

為定之方中直營室八度是歲九月六日霜降二十一日

立冬十月之時水星昏正故傳以為得時杜氏據晉厯小

雪後定星乃中季秋城向以為太早引詩云定之方中乃

未正中之時非是

傳使盜待諸莘

水經注潁水又北絕莘道城西北有莘

亭京相璠曰今平原陽平縣北十里有故莘亭扼限蹊要  
自衛適齊之道也元和志莘亭在魏州莘縣北十三里山  
東通志在東昌府莘縣北八里

十七年經于黃方輿紀要黃城在東昌府冠縣南括地志  
冠氏南有黃城亦以黃溝爲名或是登州府黃縣東南有  
故黃城其處

于奚 彙纂今兗州府滕縣南奚公山下有奚邑水經注  
夏車正奚仲之國按水經注只云泲水西逕薛縣故城北  
地理志曰夏車正奚仲之國無奚邑之目

十八年經于灤 水經注灤水出歷城縣故城西南泉源上  
 奮水涌若輪春秋桓公十八年公會齊侯于灤是也北為  
 大明湖方輿紀要小清河在濟南府城北即灤水也按水  
 道提綱云趵突泉水出濟南府西南自城之西北來會于  
 大清河小清河出章丘縣東南分水嶺東麓不運歷城知  
 灤水非小清河也曾鞏集齊州二堂記云自渴馬崖以北  
 至於歷城之西蓋五十里而有泉涌出高或至數尺曰趵  
 突之泉泉冬溫泉旁之蔬甲經冬常榮故又謂之溫泉其  
 注而北則謂之灤水達于清河以入于海

于首止 方輿紀要首鄉在歸德府睢州東南

春秋左氏傳地名補注卷第一終

春秋左氏傳地名補注卷第二

吳 沈欽韓 文起

莊公

元經紀邾鄆邾 一統志併縣故城在青州府臨朐縣東

北按紀要列併城于安邱縣東南亦作邾又作駢管氏奪駢邾

城故城在安丘縣西南紀要西南嶧山北嶧亭在萊州府

昌邑縣西即古鄆邑鄆皆同音紀要一名警城在縣西北

名勝志氏亭社在縣西二十里是鄆邑故址

二經伐於餘丘 公穀皆以為邾邑吳澄曰於發語辭猶



曰於越

三經以鄒入于齊 一統志鄒邑在青州府臨淄東水經

注汝水東北流逕東安平縣故城南城故鄒亭也劉賈謂

紀季以鄒奔齊不言叛不能專鄒也元儒鄭玉曰不曰以

鄒叛亦不曰以鄒奔所以恕季而罪齊然非褒季也

公次于滑 彙纂今河南歸德府有滑亭

四傳梁澹 水經注澹水出隨縣西北黃山南過厥西縣

西一統志澹水在德安府隨州西北今名扶恭河澹按紀要在

州西三十里灑水名扶恭河元  
和志隨州唐城縣木下澹鎮

五經邾來 于欽齊乘邾城在縉城南土人云小灰城  
卽小邾之訛也兗州府志邾城在滕縣東一里梁水之東

周八里

七經于穀

方輿紀要穀城今東平州東阿縣治亦曰小

穀

八傳戍葵丘

水經注系水又西逕葵丘北元和志葵丘

在青州臨淄縣西北二十里按京相璠疑此爲近雜引汾

陰葵丘及山陽西北葵城然考續志河內郡山陽縣有葵

城劉昭云蔡叔所封水經注引作鄴城又引汲郡古文梁

惠成王元年趙韓伐我葵卽此城則此葵字誤爲蔡劉昭  
不學因以封上蔡之蔡當之也然汾陰今蒲州府榮河縣  
山陽今懷慶府修武縣西北皆與齊地阻絕故酈氏定從  
臨淄之葵也

姑勞 方輿紀要薄姑城在青州府博興縣東北十五里  
或以爲姑勞卽薄姑

貝丘 水經注澠水西歷貝丘京相璠曰在齊城西北四

十里括地志西北二十五里齊乘按今青州府博興縣南

貝丘在益都府博興縣南五里是也應初誤以爲清河之貝丘縣

雍廩 史記齊世家作雍林以爲地名按齊西門曰雍門

襄十八年傳晉伐齊伐雍門之萩其處有林矣水經注時

水北逕西安縣故城南本渠巨齊大夫雒廩也

年九經盟于蕲 一統志蕲亭在兗州府嶧縣東故緡城北

公穀並作暨知蕲暨通

乾時 水經注時水又西逕高苑縣故城南京相璠曰今

樂安博昌縣南界有時水西通濟其源上出般陽北至高

苑下有死時中無水魯師敗處方輿紀要時水在青州府

臨淄縣西南二十五里其地名矮槐樹舊置郵亭于此平

地出泉謂之陂源淺易涸亦名乾時其水黑俗又謂之烏  
河齊乘時水之源南近淄水詳其地形水脈蓋伏淄所發  
水道提綱烏河上流卽古時水也出臨淄西南愚公山西  
北至高苑東境入小清河

浚洙 水經注洙水出泰山蓋縣臨樂山北西南流至卞  
縣西南入泗水又亂流西南至魯縣東北分爲二流北爲  
洙濱南卽泗水孔子設教于洙泗之闕里是也洙水又南  
經瑕丘城下流復入泗通志洙水故道自縣東北經孔林  
西而入泗今洙與泗水不通二流在孔林東止一溝濱過

夫子墓前西南流入于沂其故道不可考也

傳生竇 齊世家作笙濱賈逵曰魯地句瀆也顧棟高云

在曹州府曹縣東北三十里此懸以句瀆爲句陽也

堂阜而脫之 一統志堂阜在沂州府蒙陰縣西北三十

里齊乘蒙陰縣西四十里有磨石峴長二十餘里極險峻

峴下卽堂阜俗誤爲憚阜釋詁稅赦舍也郭注引詩召伯

所稅今本作說釋文本或作稅詩傳說赦也釋文說音稅

知稅說通用

長勺 山東通志長勺在兗州府曲阜縣北境

十經乘丘 一統志乘丘故城在兗州府滋陽縣西北紀要

西北三十五里 又以為漢濟陰之乘氏縣乘氏故城在曹州府鉅

野縣西南按前志乘氏注應劭曰敗宋師于乘丘是也續

志劉昭注亦曰乘氏古乘丘

于莘 彙纂莘在今汝南府汝陽縣境

滅譚 一統志故譚城在濟南府歷城縣東七十里東平

陵故城在縣東七十五里譚國地杜注平陵縣脫東字譚

說文作郟

十一 經于郟 說文郟宋魯間地

年十二傳于蒙澤 水經注獲水東逕己氏縣南東南流逕

于蒙澤十三州志曰蒙澤在己氏縣東寰宇記蒙澤在宋

州宋城縣北三十五里今歸德府商丘縣

年十三經滅遂 水經注蛇丘縣東北無城以擬之今遂城

在蛇丘西北杜預傳疑之非也一統志遂城在泰安府肥

城縣南彙纂云兗州府寧陽縣西北三十里有遂鄉與濟

南府肥城縣接界

盟于柯 方輿紀要東阿故城在東平州東阿縣西二十

五里東阿縣今屬泰安府春秋時為齊之柯邑



十四年經于鄆一統志鄆城故城在曹州府濮州東二十

里

傳及大陵水經注引京相璠曰潁州臨潁縣東北二十

五里有故巨陵亭即古大陵一統志在許州府臨潁縣北

三十里

十六年經滑伯方輿紀要緱氏城在河南府偃師縣南二

十里古滑國亦曰費滑費即滑都

十八年傳楚武王克權一統志權城在安陸府鍾祥縣西

南按水經注沔水又東右會權口出章山東南流逕權城

北古之權國也權城當在安陸府荊門州東南

那處 水經注權城東南有那口城方輿紀要那口城在

荊門州東南

游涌 方輿紀要涌水在荊州府監利縣東南夏水支流

也從乾溪中涌出俗名乾港湖水經注涌水自夏水南通

于江謂之涌口

十九年傳大敗于津 水經注枝江縣西三里有津鄉應劭

曰南卽江陵有津鄉今則無聞矣郭仲產云尋楚禦巴人

枝江是其便塗此津鄉殆卽其地也按水經注又云江陵

城南有牧馬城燕尾洲始自枚迴下迄于此長七十餘里  
州上有奉城故江津長所治亦曰江津戍戍南對馬頭岸  
北對大岸謂之江津口江大自此始也尋此傳所稱津正  
指江津爲通道不必指一鄉爲名一統志江津戍在荊州  
府江陵縣南二十里

及湫 一統志湫城在安陸府鍾祥縣北顧棟高云襄陽  
府宜城縣東南有湫城

經皇 經皇與室皇同詳見宣十四年傳

燕師伐周 注云南燕史記作北燕然北燕路遠似非

□元和志滑州胙城縣古燕國漢爲南燕縣今省入衛輝府延津縣胙城故城在府東南三十五里

二十一年傳自圜門入 方輿紀要王城面有三門凡十二門

南城曰圜門

闕西辟 釋名闕在門兩旁中央闕然爲道也邵晉涵爾雅正義闕諸侯設于雉門是以雉門謂之闕門天子蓋設于應門服虔云西辟西偏也按西偏西塾也李如圭曰門之內其東西皆有塾門一而塾四其外塾南鄉內塾北鄉也

虎牢以東 穆天子傳天子射鳥獵獸于鄭圃七萃之士  
高奔戎生捕虎而獻之天子命之爲柳畜之東號是曰虎  
牢按今在河南府汜水縣西北

王宮于玆 彙纂玆在今河南府澠池縣界

二州傳城聚而處之 聚謂其所居之鄉聚非邑名也管  
子乘馬方六里命之曰暴五暴命之曰部五部命之曰聚  
聚者有市前漢平帝紀張晏曰聚邑落名也後漢書劉平  
傳注小于鄉曰聚杜預於地理遇不可曉者輒臆斷曰某  
邑某地其誤多矣方輿紀要車箱城在絳州絳縣東南十

聖志云晉侯處羣公子之所城東西形長如車箱而名按此亦後人之妄造也

二十六年經伐徐 方輿紀要徐城廢縣在泗州西北五十里

古徐子國

二十七年經于洮 水經注今鄆城西南五十里有姚城或謂

之洮也方輿紀要洮城在濮州西南五十里

于城濮 方輿紀要臨濮城在濮州南七十里或曰即古

城濮地亦謂之小濮

二十八年經築邢 水經注濟水又北逕微鄉東京相璠曰公

羊傳謂之微東平壽張縣西北三十里有故微鄉一統志

壽張故城在今兗州府壽張縣東南五十里微鄉今在縣

南惠云眉與微古通特牲饋食禮眉壽萬年鄭注古文眉為微

傳大戎 卽大荔之戎也後漢書西羌傳洛川有大荔之

戎洛川在唐為延慶鄜坊四州之地今延安慶陽二府及

鄜州也洛水出慶陽府合水縣北二十里白於山鄜州東

南六十里有洛川縣史記秦厲公伐大荔取其王城蓋為

秦所滅漢志誤以馮翊臨晉為故大荔國司馬彪劉昭沿

誤于後元和志大荔國在今同州朝邑縣東三十步故王

城是也然不知洛川本在北地郡也全祖望曰大荔之戎亦名芮戎在北地而芮伯之國在臨晉其後大荔滅于秦種洛蓋有居于臨晉者漢人遂合芮戎芮伯之國而一之謂臨晉卽古大荔是大謬也

小戎子 蓋後爲陸渾之戎陸粲曰據傳云允姓之姦居于瓜州自惠公始誘以來則此非允姓別一戎而子其姓者也

驪戎 後漢書西羌傳渭南有驪戎水經注戲水又北逕驪戎城東長安志驪戎故城在臨潼縣東二十四里殷周



時驪戎國城也按驪戎入居此者蓋幽王之亂所致非殷周之舊也

蒲與二屈

水經注蒲川水南逕蒲城東即重耳所奔之

處又南歷蒲子縣故城西又曰羊求水西逕北屈縣故城

南即夷吾所奔邑也汲郡古文曰魏襄王三十一年翟章

救鄭次于南屈應劭曰有南故有北一統志蒲城在隰州

西北北屈廢縣在吉州東北紀要東北二十里

及達市 楊銜之洛陽伽藍記洛陽東面有三門一門有

三道所謂九達

櫛丘 水經注洧水自延陵東逕櫛丘南其城南卽長隄

洧水之北防也 一統志桐丘城在陳州府扶溝縣二十里

二十九年經城諸 一統志諸縣故城在青州府諸城縣西南

三十里

三十一年經降鄣 一統志章縣故城在東平州東六十里今

為鄣城集

于魯濟 水經注濟水東至乘氏縣西分為二其一水東

南流其一水從縣東北流南為滸水北為濟瀆東南流者

滸水分濟于定陶東北又東南逕乘氏縣故城南又東過

昌邑縣縣北又東過金鄉縣南又東過東緡縣北又東過  
 方與縣北又東過湖陸縣南東入于泗水按此蒗水雖亦  
 兼濟水之名非春秋所謂濟也其東北流者入鉅野澤逕  
 乘氏縣與濟渠濮渠合又北右合淇水又東北過壽張縣  
 西界安民亭南汶水注之所謂清口也又北過須昌縣西  
 又北過穀城縣西又北過臨邑縣東又北逕平陰城西自  
 穀城以下皆齊之濟也胡渭禹貢錐指云以今輿地言之  
 自東平會汶以下東阿平陰並屬兗州府長清齊河厯城章丘  
 鄒平長山新城並屬濟南府高苑博興樂安並屬青州府諸縣界中

皆禹貢濟入海之所經也

伐山戎 齊語注山戎今之鮮卑齊世家北伐山戎離支  
孤竹管子小閭篇桓公北伐孤竹未至卑耳之谿十里韓  
非說林上管仲隰朋從于桓公而伐孤竹統上論之皆卽  
此年之役也方輿紀要永平府春秋時爲山戎肥子二國  
之地令支城在府東北離支卽令支之譌也孤竹城在府  
南十五里今古跡已不可考城或後人所築而冠以古名  
云

三十經築臺于薛

此在魯境內方輿紀要薛陵城在東

平州陽穀縣西南史記齊世家威王七年衛伐我取薛陵  
又威王語阿大夫衛取薛陵子不知蓋其地與阿近按以  
下文築臺于秦例之莊公侈心遠略非必滕縣之薛城也  
築臺于秦 水經注河水又東北逕范縣之秦亭西春秋  
書築臺于秦者也一統志古秦亭在曹州府范縣南三里  
三年經城小穀 水經注濟水側岸有尹卯壘南去魚山  
四十餘里是穀城縣界故春秋之小穀城一統志今泰安  
府東阿縣治范甯云魯地孫復云曲阜西北有小穀城  
于梁丘 水經注河水東北逕梁丘城西一統志梁丘城

在曹州府城武縣東北二十五里與金鄉縣接界

傳有神降于莘 方輿紀要莘原在陝州廢硤石縣縣在州東

南七南十五里莊三十二年神降于莘卽此

臨黨氏 寰宇記莊公臺在兗州府曲阜縣西北二里賈

昌朝羣經音辨云黨五百家多莽切黨氏諸兩切郭忠恕

佩觿云黨氏之黨音之仰反與黨字別

雩 方輿紀要魯雩壇在曲阜城東南二里引龜山水爲

池至壇西曰雩水雩水亦入嶽陽縣注于泗水此蓋上年

不雨禱雨之祭不必爲祭天也

能投蓋于稷門 水經注引服虔曰能投千鈞之重過門  
之上也劉炫謂投車蓋過于稷門尤比服義爲長也而孔  
氏必欲排之豈有秉彝之好者曲阜縣志稷門魯南城正  
門僖公更名高門

逵泉 一統志逵泉在曲阜縣東南三里水中石如伏龍

怒龍

閔公

元經于落姑 彙纂注以爲在東平州平陰縣界接落姑  
年經于落姑 卽薄姑聲之緩耳在青州府博興縣東北十五里阜甯康

曰是時閔公八歲哀姜慶父專國豈欲季友之歸者時陳方爲齊所厚季友出奔陳蓋有所託則落姑之盟亦季友援陳人以請于齊桓耳

滅耿 方輿紀要耿城在蒲州河津縣南十二里

滅霍 一統志霍城在平陽府霍州西南十六里

滅魏 元和志故魏城在陝州芮城縣北五里芮城今屬解州紀

要河北城在縣東北七里

二經遷陽 後漢書注陽都故城在沂州府沂水縣南應

劭曰陽都故陽國



傳于渭汭 水經注渭水東入于河春秋之渭汭也呂忱

曰芮者水相入也水會即船司空所在矣船司空漢京兆縣引左

氏傳作渭隊服虔曰隊謂汭也知左氏古文本作隊為杜

預所改程大昌雍錄渭口在華州華陰縣東北三十五里

及密 水經注沂水南逕東安縣故城東而南合時密水

水出時密山春秋時莒地共仲及密而死是也一統志密

如亭在沂州府費縣北

殺之于夷 列女傳酖而殺之按夷非魯地舊唐書地理

志密州高密縣武德六年移治故夷安城方輿紀要即今

萊州府高密縣也

戰于熒澤 水經注旃然水既斷民謂其處爲熒澤狄人

屠懿公弘演報命納肝處也按熒澤不當云在河北禹貢

云入于河溢爲熒蓋濟水本在河北自入河之後方溢爲

熒熒在河南明矣元和志熒澤在鄭州熒澤縣北四里今

濟水亦不復入也水道提綱濟潰源出懷慶府濟源縣西

北與山西垣曲陽城二縣接界之王屋山頂曰天壇有太

乙池潭泓不流卽濟源東數十里出地東流經濟源縣城

北又東分爲二派一經柏香鎮之南東南流入河

南岸爲鞏縣西

北境連山一東流逕鎮北又東曰豬龍河經府城南境又東逕

温縣北境又東南至武陟縣南之澗溝村入河南岸為汜水縣東北

及河陰縣西北境河陰之西南為熒澤歷考諸書從無言

熒在河北者蓋懿公帥師迎狄師望風而遁至河南狄人

追及熒澤乃盡覆之也

廬于曹 元和志滑州白馬縣本衛之曹邑今衛輝府滑

縣南一十里白馬故城是也

次于河上 清人序使高克將兵而禦狄于竟疏云衛在

河北鄭在河南恐其渡河侵鄭故使高克禦之然熒澤之

戰狄已渡河而南也

清人 詩傳清邑也彭衛之河上郡國志中牟縣有清口

水經注清池水東北流逕清陽亭南即故清人城也今在

開封府中牟縣界

皋落氏 水經注清水出清廉山東流逕皋落城北服虔

云赤狄之都也方輿紀要皋落城在絳州垣曲縣西北六

十里劉昭引上黨記東山在壺關城東南晉申生所伐今

名平皋按劉昭所引是單文孤證當從水經注

于楚丘 輿地廣記開德府今大名府衛南縣本楚丘衛

文公自曹邑徙此按今省入衛輝府滑縣一統志衛南故  
城在滑縣東六十里

春秋左氏傳地名補注卷第一終